



ხაშურის მთაშვე



№40 (71)

19 ოქტომბერი, ოთხშაბათი, 2016 წელი



- ხაშურის საჯიდაო სკოლის აღიარება - ლუკა მაისურაძე მსოფლიო ჩემპიონია

არა, შემთხვევით არ გამოგვიტანია ზემოთ ეს „მევირალა“ სათაური. არც რაიმე ისეთი გვიტყვამს, გადამეტებული დიტირამბული სურნელი რომ ასდიოდეს. თუმცა, ასეც რომ იყოს, არც ამით დაშავდება რამე. დიტირამბები კი არა, ამ ბიჭს ყველანაირი ქება ეკუთვნის, ჩვენი ქალაქის საჭიდაო სკოლას კი – ყველა აღმატებული ეპითეტი. ერთი წელიც არ არის გასული და მკითხველსაც კარგად უნდა ახსოვდეს, როდესაც ჩვენმა ოთხმა „თავისუფალმა“ მოჭიდავემ ვეროპა შეახანზარა და საკუთარი ქალაქის სახელი ყველას დაამახსოვრა, აგერ ახლა კი ბუქარესტში, მთელი მსოფლიოს გასაგონად გაისმა: „82 კილოგრამი, ოქროს მედალი, ლუკა მაისურაძე, საქართველო, ხაშური.“ ამას კიდევ დროშის აღმართვა და ჩვენი პიში მოჰყვა იქ და სიხარულის ცრემლები – აქ. არც არავის დაუმალავს ეს ცრემლები. მწვრთნელს, მეგობრებს, ოჯახის წევრებს, ყველას, ვინც იმ წუთს ინტერნეტს იყო მიჯაჭვული და იმ საოცრად დაძაბულ ფინალს უყურებდა. ფინალამდე ლუკამ საერთოდ არ გვანერვიულა გულშემატკივრები. ჯერ იყო და მასპინძელ, რუმინულ სპორტსმენს მოუთავა ხელი – 8:0. ამას ყირგიზი მიაყოლა და არც იქ დაუთმია ქულა – 8:0. შემდეგ რუსი აბურთავა, როგორც გაეხარდა და ორი დაკარგული ქულის სანაცვლოდ ათი იქით მიართვა რუსს – 10:2 და ფინალი, რომელზეც ალბათ ცალკე უნდა ვისაუბროთ. ლიტველი სპორტსმენი, რომელიც ფინალში ლუკას პირისპირ დადგა, მართლაც კარგად იყო მომზადებული. ლუკამაც პირველ წუთებში ოდნავ შეანელა ყურადღება და ეს ყველაფერი ოთხი ქულის დაკარგვად დაუჯდა. წარმოიდგინეთ ჩვენი და ყველა გულშემატკივრის მდგომარეობა, როდესაც ფინალის დამთავრებამდე ნახევარი წუთიღა რჩება და ლიტველს 4:0 მიჰყავს ანგარიში. აი, აქ იფეთქა ქართულმა სულმა, აი, აქ მართლაც წარმოუდგენელი ენერჯია ჩადო ლუკამ იღვთში და... შებოჭილი ლიტველი სპორტსმენი მხოლოდ წამებს ითვლიდა, რომ დრო გასულიყო და ამ რკინის მკლავებისაგან როგორმე თავი დაეღწია.

ლუკა მაისურაძე მსოფლიო ჩემპიონია ჭიდაობა „სამბოში“ ჯაბუკებს შორის.

გულოცავთ მას, გულოცავთ მის მწვრთნელს ბეგლარ ხარშილაძეს, გულოცავთ მთელ სასპორტო სკოლას, ოჯახს და მთელ რაიონს.

ლუკა გვიმედვები და გვაჯერა, შენ კიდევ ბევრჯერ ააუღერებ საქართველოს პიშნს მსოფლიოს სხვადასხვა საჭიდაო არენაზე.

გ. გოგალაძე

ხაშურში საარჩევნო ადმინისტრაციის მუშაობის უმაღლესი სტანდარტი დაფიქსირდა

რამდენიმე თვიანი დაძაბული წინასაარჩევნო მართონის შემდეგ, საქართველოში, 2016 წლის 8 ოქტომბერს, საპარლამენტო არჩევნები შედგა. თუმცა, შედეგად მეორე ტური მივიღეთ, 50%-იანი ზღვარის გადალახვა ვერცერთმა მაჟორიტარობის კანდიდატმა ვერ შეძლო, შესაბამისად, განმეორებითი არჩევნების ვნებათაღელვა, ჯერ კიდევ წინ გვაქვს. საქართველოს მასშტაბით, მთელ რიგ უბნებში, ერთმანეთს, სახელისუფლო გუნდი „ქართული ოცნება – დემოკრატიული საქართველო“ და ოპოზიციური ძალა, „ნაციონალური მოძრაობა“ დაუპირისპირდებიან. საერთო ჯამში, საპარლამენტო არჩევნები მშვიდობიან გარემოში ჩატარდა და კიდევ ერთხელ გაესვა ხახი საქართველოში დემოკრატიული სტანდარტის მკვეთრ ზრდას. არჩევნების მიმდინარეობასა და წვრილმან დარღვევებზე ხაშურის საოლქო-საარჩევნო კომისიის თავჯდომარეს იმედო ლაცაბიძეს გავესაუბრეთ.

იმედო ლაცაბიძე: პირველ რიგში, მინდა მივულოცო ხაშურის მუნიციპალიტეტის ამომრჩეველს, საარჩევნო უბნებზე ჩართულ მხარეებს და თავად საარჩევნო ადმინისტრაციას, წლეუანდელი არჩევნების წარმატებით, მშვიდობიანად და სამართლიანად ჩატარება, ეს იყო ნამდვილად საარჩევნო ადმინისტრაციის გამარჯვება. როგორც უბნების და, ასევე, ჩვენი საოლქო-საარჩევნო კომისიის წევრებმა თავი არ დაზოგეს, რათა ღირსეულად ჩაეტარებინათ წლეუანდელი საპარლამენტო არჩევნები. რაც შეეხება დარღვევებს, შემძილი ვთქვა, რომ ადგილი ჰქონდა წვრილმან გადაცდომებს, რომელიც ძირითადად ესებოდა ადმინისტრაციულ ოქმში სპეციალური სიის მონაცემების თავის დროზე



არ შეტანას კომისიის თავჯდომარის მიერ. სხვათაშორის, მეექვსე უბანზე მეც ვიმყოფებოდი, სადაც ადგილი ჰქონდა მცირედ უზუსტობას. როდესაც ჩვენ მიღება-ჩაბარების აქტი გავაკეთეთ, სამწუხაროდ, ჩემს მოადგილეს შეეშალა და პირველი საარჩევნო უბნის მონაცემები შეიტანა მეექვსე საარჩევნო უბნის მონაცემებში, შესაბამისად პირველმა საარჩევნო უბანმა მიიღო 1000 ბიულეტენი. თუმცა პრობლემა სწრაფად აღმოიფხვრა და ორივე უბანმა ჩვეულ გარემოში განაგრძო მუშაობა. წლეუანდელ წელს, ამომრჩეველთა აქტივობა 47,65% იყო, ანუ, ამომრჩეველთა თითქმის ნახევარი. ეს ციფრი 15 % ნაკლები იყო გასულ საპარლამენტო არჩევნებთან შედარებით და 15% მეტი თვითმმართველობის არჩევნებზე. გვაქვს, ასევე, შუალედური დასკვნა შეფასებისა საერთაშორისო ორგანიზაციებიდან, რომლის მიხედვითაც, ეს იყო ნამდვილად დემოკრატიულ გარემოში ჩატარებული არჩევნები. აღინიშნა ასევე საარჩევნო ადმინისტრაციის მუშაობის უმაღლესი სტანდარტი. ჩვენის მხრივ, ცდას არ დავაკლებთ, რომ საარჩევნო ადმინისტრაციის მუშაობა დაიხვეწოს და აქვე დავამატებ, რომ დიდი მნიშვნელობა აქვს ამომრჩეველის კულტურასაც, ამიტომ საარჩევნო ადმინისტრაციამ, უშუალოდ პარტიებმა და არასამთავრობო ორგანიზაციებმა უნდა იზრუნონ ამ მხრივ ამომრჩეველის განათლებაზე, რათა მათ სათანადო ინფორმაცია ჰქონდეთ არჩევნებზე და იცოდნენ, თუ რას ნიშნავს და რამდენად მნიშვნელოვანია თითოეული მათგანის ხმა.



ხაშურში მეორე ტური „ქართული ოცნების“ წარმომადგენელ ვალერი გელაშვილსა და ფრაქცია „მრეწველების“ კანდიდატ სიმონ ნოზაძეს შორის გაიმართება.
თ. ახალკაცი

ა(ა)იპ „ხაშურსერვისისა“ და მუნიციპალიტეტის გამგეობის ეკონომიკური განვითარების სამსახურის, ინფრასტრუქტურის განვითარებისა და კეთილმოწყობის განყოფილების მიერ განხორციელებული პროექტების აუდიტორული შემოწმების შედეგები

მიმდინარე წელს განხორციელდა ა(ა)იპ „ხაშურსერვისის“ აუდიტორული შემოწმება. ორგანიზაცია ახორციელებს შემდეგ საქმიანობას:

ა) ხაშურის მუნიციპალიტეტში მდებარე დასახლებული პუნქტების ტერიტორიების შიდა გზების დასუფთავება, განათება და შიდა გზების დ-პროფილება.

ბ) დასახლებათა ტერიტორიების, ქუჩების, მოედნების, ტროტუარების, ხაზოვალბერივი თავშეყრის ადგილების დაგეგმვა-დასუფთავება, კალოვლა, საოჯახო-სამეურნეო, საყოფაცხოვრებო, სამრეწველო და სხვა სახის (ნაგავი და გადანაწიარი) ნარჩენების დახარისხების, გატანის, შეგროვებისა და ტრანსპორტირების ორგანიზება;

გ) სანაგვე ურნების, კონტეინერების, ნარჩენების განთავსების ადგილების (ნაგავსაგვერდების) მოვლა-პატრონობა და ნარჩენების გადასაშუშავებლად შესაბამისი ღონისძიებების განხორციელება;

დ) ხაშურის მუნიციპალიტეტის დასახლებათა ტერიტორიების, მაგისტრალების, ქუჩების, გზების, ხაზოვალბერივი ადგილების, სკვერების, პარკების, გამწვანებისა და სხვა ინფრასტრუქტურული ობიექტების კალოკვა-ნათების სრულფასოვანი ფუნქციონირების უზრუნველყოფა, გარე განათების ქსელების პროექტირება, რეაბილიტაცია, ექსპლუატაცია და შენობა-ნაგებობების დეკორატიულ-მხატვრული განათება;

ე) სადღესასწაულო და სხვა ღონისძიებების მხატვრულ-დეკორაციონული (სადღესასწაულო ილუმინაციები, დეკორაციები, დროშები, ბანერები, სცენები, ფიგურირკები, და ა.შ.) და სხვა საჭირო ატრიბუტიკითა და გახშივანება-განათებით უზრუნველყოფა;

ვ) ხაშურის მუნიციპალიტეტში საგზაო ინფრასტრუქტურის მოვლა-პატრონობა და ამ სფეროში მუნიციპალური პროგრამებისა და პროექტების განხორციელება-ხელშეწყობა.

საკრებულოს მიერ დამტკიცებული პროგრამა განისაზღვრა 1212199,54 ლარით, მათ შორის მუნიციპალიტეტის დასახლებებში ქალაქისა და სოფლის ზონების დასუფთავებისა და სანიტარული ღონისძიებების ქვეპროგრამა 669 000,0 ლარი, მუნიციპალიტეტის დასახლებებში გარე განათების ქვეპროგრამა 226999,54 ლარი, ქალაქის ქუჩების, დაბა სურამის და მუნიციპალიტეტის დასახლებასთან დამაკავშირებელი გზების მოვლა-პატრონობის ქვეპროგრამა 250000,0 ლარი, მუნიციპალიტეტის ტერიტორიაზე დასუფთავების მოსაკრებლის ქვითრის დარიბების მომსახურების ქვეპროგრამა 57000,0 ლარი, სოფლების - ქეშისეთის, წყვდილის, ალის და დაბა სურამის წყლ-სადენის სისტემის ზედამხედველობა და მოვლა-პატრონობის ქვეპროგრამა 9200,0 ლარი. სხვა შემოსულები და შემოსავლები კი განისაზღვრა 60000,0 ლარით, სულ 1272199,54 ლარი.

პროგრამის ბიუჯეტის შესრულების ანალიზი გვიჩვენებს, რომ ხარჯები ძირითადად შირმების ფარგლებშია, გადახარჯვები ზოგიერთ პუნქტებში გამოწვეულია ობიექტური აუცილებლობებით.

ორგანიზაციაში დასაქმებული პერსონალის კვალიფიკაცია, მათ შორის საშუალო და მაღალ მენეჯერულ პოზიციაზე დასაქმებულთა გამოცდილება და განათლება სრულად აკმაყოფილებს ორგანიზაციაში დაკავებულ თანამშელობათა მოთხოვნებს.

ორგანიზაციის მიერ შესყიდული მატერიალური ფასეულობების შემოწმებით დადგინდა, რომ ყველა მატერიალური ფასეულობა იძიოფება ადგილზე და მათი ღირებულება შეესაბამება მათზე გადახდილ ფასს. ინვენტარის გადაცემა მომხდარია მიღება-ჩაბარების აქტებით, რაც დასტურდება აქტზე ხელმოწერებით.

2015 წლის სანგარიშო წელს ა(ა)იპ „ხაშურსერვისს“ გამარტივებული შესყიდვის წესით განხორციელებული აქვს 5740,0 ლარის ცოცხის შესყიდვა. შესყიდვის ოპერაცია განხორციელებულია სამჯერ ინდ. მეწარმე მალხაზ ფცქიალასისაგან.

ცოცხის გამარტივებული წესით შესყიდვის უფლება ორგანიზაციისა არ ჰქონდა, ვინაიდან საკონთოელის კანონი სახელმწიფო შესყიდვების შესახებ კრძალავს 5000,0 ლარს ზევით გამარტივებული შესყიდვის წესით ერთგვაროვანი ობიექტების (საგნების) სახელმწიფო შესყიდვას.

ორგანიზაციაში ფინანსური ანგარიშება შედგენილია ბუღალტრული აღრიცხვის საერთაშორისო სტანდარტების შესაბამისად, არ შეიცავს დიდ უზუსტობებს და უტყუარად და სამართლიანად ასახავს ორგანიზაციის ფინანსურ მდგომარეობას.

შემოწმებული საანგარიშო პერიოდისთვის ანგარიშების წარდგენა ხაშურის მუნიციპალიტეტის გამგეობაში ხდება მუდმივად, დადგენილ ვადებში.

სააუდიტო პერიოდში ხაშურის მუნიციპალიტეტის მიერ გადარიცხული მთლიანი საბიუჯეტო თანხებიდან არამიზნობრივ ხარჯვას ადგილი არა ჰქონია. დანახარჯები განხორციელებულია პროგრამის ამოცანათა შესასრულებლად გამოწვეული აუცილებლობით, პროგრამით განსაზღვრულ ფარგლებში.

ორგანიზაციის ხარვეზიდან ყველაზე დიდი წილი მოდის საწვავის შექენაზე, რომლის შექენაც მოხდენილია ძირითადად კონსოლიდირებული წესით სახელმწიფო ტენდერებში გამარჯვებულ კომპანიებიდან, საწვავის შექენის რეალობა დასტურდება სპეციალური ანგარიშ-ფაქტურებით.

ორგანიზაციის აუდიტორული შემოწმების შედეგად გამოვლენილ იქნა სხვადასხვა გარემოებები, რომელთა გამოსასწორებლად შემუშავებულ იქნა შემდეგი რეკომენდაციები:

- მუნიციპალიტეტის შესაბამის სამსახურებთან ერთად შეტანილი იქნეს ცვლილება ა(ა)იპ „ხაშურსერვისის“ წესდებაში - შემუშავდეს კონკრეტული წინადადებები ა(ა)იპ „ხაშურსერვისის“ მიზნობრივი შემოსავლების შესახებ, განისაზღვროს საკუთარი შემოსავლების მიღების სახეები, მისი აღრიცხვა-განაწილების წესი, ნათლად იქნეს გამოკვეთილი დირექტორის ფინანსური პასუხისმგებლობის საკითხი და დასამტკიცებლად წარედგინოს

ხაშურის მუნიციპალიტეტის გამგებელს.

- დაწესებულების წესდების მოთხოვნებიდან გამომდინარე - საქართველოს კანონის „საჯარო სამსახურის“ შესახებ თავი 6, მუხლი 72-73-ის შესაბამისად შემუშავდეს და მუნიციპალიტეტის გამგებელს შესათანხმებლად წარედგინოს ა(ა)იპ „ხაშურსერვისის“ შინაგანაწესი.

- ხაშურის მუნიციპალიტეტის საკრებულოს მიერ დადგენილი შეფასების ინდიკატორებიდან გამომდინარე ხაშურის მუნიციპალიტეტის ა(ა)იპ „ხაშურსერვისის“ დირექტორს პერიოდულად (წელიწადში ორჯერ) მუნიციპალიტეტის გამგებელს წარუდგინოს ანგარიში „ხაშურსერვისის“ მიერ გაწეული მუშაობის და დაწესებულების წინაშე მდგარი ამოცანების შესახებ.

- ვინაიდან დაწესებულებას დიდი ოდენობით უწევს სახელმწიფო შესყიდვების სარგებლობა, დაწესებულების ხელმძღვანელობამ განსაკუთრებული მონიტორინგი უნდა დააწესოს სახელმწიფო შესყიდვების პროცესზე, რათა აღარ მოხდეს საქართველოს კანონის „სახელმწიფო შესყიდვების შესახებ“ - მოთხოვნების დარღვევა.

- გარდამავალი ნაშთების აღრიცხვისა და გამოყენების დროს განსაკუთრებული ყურადღება დაეთმოს იმ სიახლეებს, რომლის მოთხოვნების მიხედვით უნდა მოხდეს დადგენილი წესით გარდამავალი ნაშთების აღრიცხვა და გამოყენება.

- მოსალოდნელი რისკების თავიდან აცილების და დაწესებულების უფრო ეფექტიანად ფუნქციონირების მიზნით, შეიქმნას კომპეტენტური კომისია, რომელიც 2016 წლის ბოლომდე უზრუნველყოფს დაწესებულების საქმიანობისთვის საჭირო მუნიციპალური და საკუთარი ქონების (შენობა-ნაგებობები, ინვენტარი სატრანსპორტო საშუალებები და სხვა) სრულ ინვენტარიზაციას, მათ შესაძლებელ მარკირებას, ვადაგასული და გამოუსადეგარი ქონების, არაუფექტური სატრანსპორტო საშუალებების ჩამოწვრას ან გასხვისებას მოქმედი კანონმდებლობის საფუძველზე.

საანგარიშო პერიოდში შემოწმებულ იქნა გამგეობის ეკონომიკური განვითარების სამსახურის, ინფრასტრუქტურის განვითარებისა და კეთილმოწყობის განყოფილების მიერ განხორციელებული პროექტები, როგორცაა:

- ა(ა)იპ ხაშურის სამუხეუმო გაერთიანების შენობის მოვლა-პატრონობის სამუშაოების, რემონტის, საინჟინრო - საექსპერტო მომსახურების გაწევის შესყიდვის და შემსრულებელ საწარმოებზე (ინდ/მეწარმეზე) გადარიცხული თანხების აუდიტი;

- ა(ა)იპ სკოლისგარეშე სახელოვნებო საგანმანათლებლო დაწესებულების - ხაშურის საშუასკო სკოლის შენობის ფასადის მოწყობის სამუშაოების ხარისხის დადგენის აუდიტი.

- ა(ა)იპ ხაშურის სამუხეუმო გაერთიანების შენობის გამაგრების სამუშაოებ, რემონტი, საინჟინრო - საექსპერტო მომსახურების გაწევა.

- პირველ რიგში, აუდიტის ჯგუფმა შეამოწმა აღნიშნული პროექტის განსახორციელებლად მუნიციპალიტეტის მიერ გამოყოფილი საბიუჯეტო თანხების ცვლილებების დინამიკა, რის შემდეგაც დადგინდო იქნა:

- ხაშურის მუნიციპალიტეტის საკრებულოს 2014 წლის II დეკემბრის №74 დადგენილებით - ა(ა)იპ ხაშურის სამუხეუმო გაერთიანებას დაუმტკიცდა მუხეუმის ხელშეწყობის პროგრამა 152,3 ათასი ლარის ოდენობით;
- ხაშურის მუნიციპალიტეტის საკრებულის 2014 წლის II დეკემბრის №74 დადგენილებაში შევიდა ცვლილება და სამუხეუმო გაერთიანების ხელშეწყობის პროგრამა განისაზღვრა 160,3 ათასი ლარის ოდენობით, მათ შორის, არაფინანსური (მუხეუმის ოთახების რემონტი) აქტივების ზრდისთვის 8,0 ათასი ლარი;

- 2015 წლის 4 მაისის №15 დადგენილებით ხაშურის მუნიციპალიტეტის 2015 წლის ბიუჯეტის დამტკიცების შესახებ მუნიციპალიტეტის საკრებულოს 2014 წლის II დეკემბრის №74 დადგენილებაში შევიდა ცვლილება და სამუხეუმო გაერთიანების ხელშეწყობის პროგრამა განისაზღვრა 164,3 ათასი ლარის ოდენობით, მათ შორის არაფინანსური აქტივების ზრდა (ექსპერტის მომსახურება 4,0 ათასი ლარი) 12,0 ათასი ლარით;

- 2015 წლის 6 ივლისის №24 დადგენილებით - ხაშურის მუნიციპალიტეტის საკრებულოს 2014 წლის II დეკემბრის №74 დადგენილებაში შევიდა ცვლილება და სამუხეუმო გაერთიანების განვითარების ხელშეწყობის პროგრამა განისაზღვრა 175,3 ათასი ლარის ოდენობით, მათ შორის არაფინანსური აქტივების ზრდა 23,0 ათასი ლარით;

- 2015 წლის 7 სექტემბრის №39 დადგენილებით ხაშურის მუნიციპალიტეტის 2015 წლის ბიუჯეტის დამტკიცების შესახებ მუნიციპალიტეტის საკრებულოს 2014 წლის II დეკემბრის №74 დადგენილებაში შევიდა ცვლილება და სამუხეუმო გაერთიანების განვითარების ხელშეწყობის პროგრამა განისაზღვრა 225,3 ათასი ლარის ოდენობით, მათ შორის არაფინანსური აქტივების ზრდა 73,0 ათასი ლარით.

- 2015 წლის 5 ოქტომბრის №44 დადგენილებით ხაშურის მუნიციპალიტეტის 2015 წლის ბიუჯეტის დამტკიცების შესახებ მუნიციპალიტეტის საკრებულოს 2014 წლის II დეკემბრის №74 დადგენილებაში შევიდა ცვლილება და სამუხეუმო გაერთიანების განვითარების ხელშეწყობის პროგრამა საბოლოოდ განისაზღვრა 232,3 ათასი ლარით, მათ შორის არაფინანსური აქტივების ზრდა 79,0 ათასი ლარით.

- ა(ა)იპ ხაშურის სამუხეუმო გაერთიანების განვითარების ხელშეწყობის პროგრამის ფარგლებში 2015 წლის ადგელობრივი ბიუჯეტო განისაზღვრა - მუხეუმის შიდა ოთახების რემონტისა და მუხეუმის ცენტრალური შენობის გამაგრებითი სამუშაოებისათვის სულ 79,0 ათასი ლარით.

გამომდინარე იქიდან, რომ მუნიციპალიტეტში მოქმედი საბოლოო საწარმოების (შ.ს.ს. „არქიტექტორი“ და სხვა) მიერ ვერ მოხერხდა სამუხეუმო გაერთიანების ცენტრალური შენობის (მდებარე კოსტავას №2 -ში) გადასაღებელი აუცილებელი გამაგრებითი სამუშაოების სახეების და რაოდენ

ა(ა)იპ „ხაშურსერვისისა“ და მუნიციპალიტეტის გამგეობის ეკონომიკური განვითარების სამსახურის, ინფრასტრუქტურის განვითარებისა და კეთილმოწყობის განყოფილების მიერ განხორციელებული პროექტების აუდიტორული შემოწმების შედეგები

ნობის დადგენა, მუნიციპალიტეტის ხელმძღვანელობის მიერ 2015 წლის 17 სექტემბერს - სხიპ ლევან სამხარაულის სახელობის სასამართლო ექსპერტის ერთუნულ ბიუროსთან გაფორმდა 164 ხელშეკრულება საექსპერტო მომსახურების შესახებ, რომლითაც განისაზღვრა ქ. ხაშურში კოსტავას ქუჩაზე მდებარე მუხეუმის ორსართულიანი (ნაწილობრივ სარდაფის) შენობის ტექნიკური მდგომარეობის დადგენა, სახელშეკრულებო თანხმა შეადგინა 15877,69 ლარი. ექსპერტ მ. კალანდაძის მიერ შედგენილ იქნა მუხეუმის შენობის გამაგრების ლოკალურ-რესურსული ხარჯთაღრიცხვა და მუხეუმის შენობის გამაგრებითი სამუშაოების სახარჯთაღრიცხვო ღირებულებამ 2015 წლის II კვარტლის მიმდინარე ფასების დონეზე შეადგინა 57667,88 ლარი.

2015 წლის 25 სექტემბერს ხაშურის მუნიციპალიტეტის მიერ გამოცხადდა ტენდერი - შ 150026134 - ხაშურის ა(ა)იპ სამუხეუმო გაერთიანების შენობის გამაგრებითი სამუშაოების შესახებ, თანხით 57 667,88 ლარის ოდენობით. აღნიშნული ტენდერი არ შედგა იმის გამო, რომ ტენდერში მონაწილეობა არ მიიღო არცერთმა საწარმომ (ინდ/მეწარმემ).

გამომდინარე აქედან, 2015 წლის 27 ოქტომბერს გადაუღებელი აუცილებლობის წესით - მუხელი 10 , პუნქტი 3, კუპუნქტი „ბ“ გამარტივებული შესყიდვის ტენდერის პირობების დაცვით ინდივიდუალურ მეწარმე თემურ ლომიძესთან გაფორმდა №192 ხელშეკრულება სახელმწიფო შესყიდვების შესახებ, ხელშეკრულების ჯამურმა ღირებულებამ შეადგინა 57667,88 ლარი, ხელშეკრულების ვადა კი განისაზღვრება 2016 წლის 31 იანვრის თაველით.

შესყიდვის ობიექტი მიღებულია მიღება - ჩაბარების აქტის მეშვეობით, რომელსაც თან ახლავს შესრულებული სამუშაოს აქტები (ფორმა №№2), რომლებიც დადასტურებულია ხაშურის მუნიციპალიტეტის გამგებლის ბრძანებით შექმნილი ინსპექტირების ჯგუფის მიერ. შესრულებული სამუშაოს აქტთან ანგარიშ №2 ერთად შემსრულებლის მიერ წარმოდგენილია საგადასახადო ანგარიშ - ფაქტურები (სასაქონლო ზედნაღებები), თანხების განაღდება ინდ. მეწარმე „თემურ ლომიძესზე“ მოხდენილია უნაღდო ანგარიშსწორების წესით.

2015 წლის 22 დეკემბერს გადარიცხულია 17183,78 ლარი და 2016 წლის 29 იანვარი - 38902,74 ლარი, სულ - 56086,52 ლარი, რითაც მთლიანად განხორციელდა სამუხეუმო გაერთიანების შენობის გამაგრებით სამუშაოებზე გაწეული ხარჯების თანხების დაფარვა.

2015 წლის 2 ივნისი ინდ. მეწარმე ზურაბ ლომოუაშვილთან ხაშურის მუნიციპალიტეტის მიერ გაფორმდა ხელშეკრულება №77 სახელმწიფო შესყიდვების შესახებ კანონმდებლობისა და მიმწოდებლის სატენდერო წინადადების საფუძველზე, შ. 150012086 ელექტრონული ტენდერის ჩატარების შედეგად. ხელშეკრულების ობიექტი განისაზღვრა ქალაქ ხაშურში კოსტავას ქ. №2-ში მუხეუმის შენობის შიდა ოთახების მოწყობის სამუშაოების შესყიდვა, ხელშეკრულების ჯამურმა ღირებულებამ შეადგინა 2122,38 ლარი.

შესყიდვის ობიექტი მიღებულია მიღება - ჩაბარების აქტის საფუძველზე, რომელსაც თან ახლავს შესრულებული სამუშაოს აქტი (ფორმა №2), რომელიც დადასტურებულია ხაშურის მუნიციპალიტეტის გამგებლის ბრძანებით შექმნილი ინსპექტირების ჯგუფის მიერ, ანგარიშსწორება ინდ. მეწარმე ზურაბ ლომოუაშვილთან მოხდენილია უნაღდო ანგარიშსწორების წესით - 2015 წლის 23 ივნისის 2047,38 ლარის ოდენობით.

ხელ სამუხეუმო გაერთიანების შენობის - მდებარე ქ. ხაშურში კოსტავას ქ. №2-ში -სარეაბილიტაციო სამუშაოებისათვის (მუხეუმის შენობის ტექნიკური მდგომარეობის დადგენის და ხარჯთაღრიცხვისთვის, გამაგრებითი სამუშაოებისათვის, შიდა ოთახის რემონტისთვის), რითაც მოხდა მუხეუმის შენობის არაფინანსური აქტივების ზრდა, გახარჯულია 74011,59 ლარი. ხაშურის მუნიციპალიტეტის საკრებულოს დადგენილებით გამოყოფილი იყო 79000 ლარი.

აღნიშნული საკითხის შესწავლის დროს, ხაშურის მუნიციპალიტეტის გამგეობის შიდა აუდიტის სამსახურის მიერ შესწავლილი პროექტის განხორციელების დროს გამგეობის ეკონომიკური განვითარების სამსახურის, ინფრასტრუქტურის განვითარებისა და კეთილმოწყობის განყოფილების თანამშრომლების მხრიდან რაიმე გადაცდომებს ადგილი არა ჰქონია, საბიუჯეტო თანხები დახარჯულია მიზნობრივად, ხელშეკრულებაში და პროექტში ცვლილებები კი გამოწვეული იყო ობიექტური საჭიროებიდან გამომდინარე, რაც დასაბუთებულია შესაბამისი დოკუმენტაციით.

ა(ა)იპ სკოლისგარეშე სახელოვნებო საგანმანათლებლო დაწესებულების - ხაშურის საშუასკო სკოლის შენობის ფასადის მოწყობის სამუშაოების ხარისხის დადგენა.

აუდიტის ჯგუფმა შეისწავლა გამგეობის ეკონომიკური განვითარების სამსახურის, ინფრასტრუქტურის განვითარებისა და კეთილმოწყობის განყოფილების მიერ წარმოდგენილი დოკუმენტაცია, საბოლოო ხასარჯთაღრიცხვო დოკუმენტები, მიღება-ჩაბარების აქტები, საექსპერტო დასკვნები და სხვა. პირველ რიგში გაანალიზდა მუნიციპალიტეტის გადაწყვეტილებები აღნიშნული პროექტის დაფინანსების შესახებ.

ხაშურის მუნიციპალიტეტის 2015 წლის ბიუჯეტში ხაშურის მუნიციპალიტეტის საკრებულოს 2015 წლის 6 ივლისის №13 დადგენილებით, ხაშურის მუნიციპალიტეტის 2015 წლის ბიუჯეტის დამტკიცების შესახებ მუნიციპალიტეტის საკრებულოს 2014 წლის II დეკემბრის №74 დადგენილებაში შევიდა ცვლილება და ა(ა)იპ ხაშურის საშუასკო სკოლას დამატებითი გამოეყო 103,0 ათასი ლარი. მათ შორის ხაშურის საშუასკო სკოლის ფასადის მოწყობისთვის 100,0 ათასი ლარი და შესასრულებელი სამუშაოების ხარჯთაღრიცხვისთვის 3,0 ათასი ლარი.

ხაშურის მუნიციპალიტეტის 2015 წლის 5 ოქტომბრის №44 დადგენილებით - ხაშურის მუნიციპალიტეტის 2015 წლის ბიუჯეტის დამტკიცების შესახებ ხაშურის მუნიციპალიტეტის საკრებულოს 2014 წლის II დეკემბრის №74 დადგენილებაში კიდევ შევიდა ცვლილება და ა(ა)იპ ხაშურის საშუასკო სკოლის ფასადის მოწყობისთვის საბოლოოდ დამტკიცდა 88,3 ათასი ლარი და შესასრულებელი სამუშაოების ხარჯთაღრიცხვისთვის 3,0 ათასი ლარი.

2015 წლის 7 აგვისტოს ელექტრონული ტენდერის - შ 150018034 - ჩატარების შედეგად გამარჯვებულ კომპანია შპს „არქონტალ“-სა და ხაშურის მუნიციპალიტეტის გამგეობას შორის გაფორმდა №125 ხელშეკრულება სახელმწიფო შესყიდვების შესახებ. ხელშეკრულების მიხედვით, შესყიდვის ობიექტია ხაშურის საშუასკო სკოლის ფასადის მოწყობის სამუშაოების შესყიდვა, ხელშეკრულების ჯამურმა ღირებულებამ შეადგინა 88287,16 ლარი დაღ- ს გათვალისწინებით, ხელშეკრულების ვადა განისაზღვრა 2015 წლის 12 ნოემბრის თაველით.

2015 წლის 7 აგვისტოს №125 ხელშეკრულების მე-11 მუხლის, შპს „არქონტალი“-ს დირექტორის შალვა ჭოხინელიძის 2015 წლის 13 აგვისტოს №16/08-15, №17/08-15 და 2015 წლის 23 სექტემბრის №604 წერილების, ხაშურის მუნიციპალიტეტის გამგებლის გიორგი გურასაშვილის 2015 წლის 18 აგვისტოს №1270 და 28 სექტემბრის №1473 წერილების, შპს „არქიტექტორი“-ს დირექტორის მერაბ მაყაშვილის 2015 წლის 20 აგვისტოს №84 და 2015 წლის 28 სექტემბრის №97 წერილების, ხაშურის მუნიციპალიტეტის გამგეობის ეკონომიკური განვითარების სამსახურის უფროსის სერგო ლაღიაშვილის 2015 წლის 31 აგვისტოს და 2015 წლის 29 სექტემბრის მიხსენებითი ბარათების, ხაშურის მუნიციპალიტეტის გამგებლის 2015 წლის აგვისტოს №№108 ბრძანებით შექმნილი ინსპექტირების ჯგუფის დასკვნების საფუძველზე შევიდა ცვლილება 2015 წლის 7 აგვისტოს №125 ხელშეკრულებაში და სხვა უმთავრელო ცვლილებებთან ერთად, შეიცვალა გარე ფასადის მონაპირკეთილი ფილების მანქანებით - კერძოდ, 6 მმ სისქის მინამაგნეზიტის თეთრი ფილები შეცვლილი იქნა 8 მმ სისქის მინამაგნეზიტის ფილებით.

შესყიდვის ობიექტი მიღებულია და გაფორმებულია მიღება - ჩაბარების აქტით, ამასთან ერთად შემსოდეველს წარედგინა შესრულებული სამუშაოს აქტი (ფორმა №2), დადასტურებულია ორგანიზაციის ხელმძღვანელის ბრძანებით შექმნილი ინსპექტირების ჯგუფის მიერ. აგრეთვე მიღება - ჩაბარების აქტისა და შესრულებული სამუშაოს აქტთან (ფორმა №2) ერთად შემსყიდველს წარედგინა შესაბამისი საგადასახადო ანგარიშ-ფაქტურა, სასაქონლო ზედნაღები და -ტიპის ინსპექტირების ორგანო „შპს ოპტიმალ გრუპ“ ინსპექტირების (ექსპერტის) ანგარიში.

შესყიდვის ობიექტის სახელშეკრულებო ღირებულება შეადგენს 88287,16 ლარს, ფაქტორად შესრულებული სამუშაოს ღირებულება კი - 85942,88 ლარს. შესრულებულ სამუშაოზე ხაშურის მუნიციპალიტეტის მიერ გადარიცხულია თანხები 2015 წლის 10 ოქტომბერს 61801 ლარი და 2015 წლის 10 დეკემბერს 22447,58 ლარი, სულ - 84248,58 ლარი. ასევე შპს „არქიტექტორზე“ 2015 წლის 18 აგვისტოს გადარიცხულია ხაშურის საშუასკო სკოლის ფასადის საბოლოო-სახარჯთაღრიცხვო დოკუმენტაციის შედგენის საფასური 2499,99 ლარი (ხელშეკრულება №74, 22.05.2015 წელი), სულ ჯამში - 86 748,57 ლარი.

როგორც შემდგომ განვითარებულმა მოვლენებმა გვიჩვენა საშუასკო სკოლის ფასადზე გამოყენებული მინამაგნეზიტის ფილა კაიოდეა დაბალი ხარისხის, რაც გამოიხატა შემდგომში: ატმოსფეროვანი ნაღებების, ქარის და შიხის ზემოქმედებით ფილებმა განიცადეს დეფორმაცია (განსაკუთრებით ნაცრისფერმა), ფილების დიდი ნაწილი ჩამოცვიდა, დარჩენილი ნაწილი კი ამძვრალია, ნაწილი კი დამაგრების ადგილებში დაზარულია.

ხაშურის სასწრაფო-სამედიცინო დახმარების ცენტრის სახელმძღვანელო დახმარების ცენტრის სახელმძღვანელო

რამდენიმე დღის წინ, სასწრაფო-სამედიცინო დახმარების ხაშურის რაიონული ცენტრის რეაბილიტაციული შენობა ოფიციალურად გაიხსნა. ცენტრის პრეზენტაციას, სასწრაფო-სამედიცინო დახმარების ცენტრის დირექტორი და-



ვით ტორუა, ხაშურის მაჟორიტარი დეპუტატი ვალერი გელაშვილი და ხაშურის მუნიციპალიტეტის გამგებელი გიორგი გურასიაშვილი დაესწრნენ. შენობა, რომელშიც აქამდე იყო სასწრაფო-სამედიცინო ცენტრი, სტიქიის დროს იტბორუ-

ბოდა. ხაშურის მუნიციპალიტეტის მხარდაჭერით, მათ დღეს ახალი, რეაბილიტაციული შენობა აქვთ, რომელიც ქმნის სერვისის გაუმჯობესების პირობას სტუმრებში შენობის დათვალიერების შემდეგ კმაყოფილება გამოთქვას.

დავით ტორუა-სასწრაფო-სამედიცინო ცენტრის დირექტორი: -სასწრაფო-სამედიცინო დახმარების ცენტრის ხაშურის რაიონულ სამსახურს ადგილობრივი მუნიციპალიტეტის დახმარებით გადმოეცა ახალი, გარემონტებული შენობა, სადაც ყველა პირობაა შექმნილი ჩვენი ბრიგადის თითოეული წევრისთვის. ეს, რა თქმა უნდა, სასწრაფო-სამედიცინო დახმარების მანქანების სამედიცინო აღჭურვილობის განახლების შემდეგ, ხაშურის მოსახლეობას მიეწოდება მაღალი ხარისხის სამედიცინო მომსახურების სერვისი.

დავით სუბატაშვილი-ხაშურის სასწრაფოს მენეჯერი:

-ახალ შენობაში გადმოსვლის შემდეგ, დაემატა ერთი ბრიგადა, გუჯადა სამი, ახლა გუჯავს ოთხი, შესაბამისად, გაიზარდა პერსონალის რაოდენობაც. ამან გააუმჯობესა მოსახურების სერვისი. მანქანები აღიჭურვა ახალი კარდიოგრაფების აპარატებით, დეფილატორებით, რომლებიც მოქმედებული იყო და რაოდენობრივად არ აკმაყოფილებდა მანქანებს. ყველა მომსახურე პერსონალს გადმოეცა განახლებული ფორმები. სერვისის განახლებამ შეამცირა დაგვიანებების შემთხვევები.



ვიყვით ქველმოქმედნი

15-16 ოქტომბერს, ხაშურის მუნიციპალიტეტის მხარდაჭერით, ხაშურის სახპორტო სკოლის დარბაზში გაიმართა ალექსანდრე მაღალდაძისადმი მიძღვნილი საქველმოქმედო ტურნირი ჭიდაობა - ძიუდოში.



ალექსანდრე (ალიკა) მაღალდაძეს, რომელიც ჭიდაობა სამბოში ჭაბუკთა შორის საქართველოს ჩემპიონი და ევროპის ბრინჯაოს მედლის მფლობელია, რამდენიმე წლის წინ ტრამვის შედეგად განუვითარდა თავის ტვინის სიმსივნე, გაუკეთდა უმძიმესი ოპერაცია მაგრამ სიმსივნემ მხედველობის ცენტრი დააზიანა და ახალგაზრდა სპორტსმენი დაბრმავდა. მეგობრების იმედად მყოფი, შეეგუა ამ მძიმე რეალობას, მაგრამ აღმოჩნდა რომ ამით არ დასრულდებოდა მისი განსაცდელი - დაეწყო სმენის დაქვეითება - სმენის ნერვის ატროფიის პროცესი ინტენსიურად პროგრესირებს. ქართველი ექიმების ვარაუდით შესაძლებელია სტაბილური მდგომარეობის შენარჩუნება, მაგრამ პაციენტი გრძნობს, რომ სმენა დროთა განმავლობაში მკვეთრად ქვეითდება.

განდა გარკვეული შანსი იმისა, რომ გერმანელმა ექიმებმა ჩაუტარონ საფუძვლიანი კვლევა და მკურნალობა. ვისაც შევიძლიათ, დავეხმაროთ 34 წლის უსინათლო კაცს, რომელსაც ახლა სმენის ნერვის ატროფიაც ემუქრება.

ქვიშეთის საბავშვო ბაღი ექნება

ხაშურის მუნიციპალიტეტის სოფელ ქვიშეთში გრძელდება საბავშვო ბაღის მშენებლობის სამუშაოები. აღნიშნულ სოფელში ბაღი ათწლეულების განმავლობაში არ არსებობდა, რაც პრობლემას უქმნიდა ადგილობრივ მოსახლეობას ამიტომ მუნიციპალიტეტის გამგებმა ქვიშეთში საბავშვო ბაღის მშენებლობა აუცილებლობად მიიჩნია.



ამ ეტაპისთვის აშენებული და გადასურული შენობა პროექტის ფარგლებში მოღიანად კეთილმოეწყოება; დამონტაჟდება კარ-ფანჯარა, დაიგება პარკეტი, კერამოგრანიტის იატაკი, მეტლახის ფილები. მოხდება შენობის შიდა მოპირკეთება, მოეწობა კიბეები და პანდუსი, მოეწობა შიდა კანალიზაცია, წყალმომარაგება, გათბობა-ვენტილაცია. დაგეგმილია საბავშვო ბაღის შემოღობვაც.

სამუშაოები, რომელთა ღირებულება 194440 ლარია, ადგილობრივი ბიუჯეტიდან ფინანსდება. პროექტი მიმდინარე წლის ბოლომდე დასრულდება.



სტუმრად ბიბლიოთეკაში

ხაშურის მუნიციპალიტეტის საბავშვო ბიბლიოთეკის სტუმრები იყვნენ მეექვსე საჯარო სკოლის პირველკლასელები პედაგოგ-ნინო ბარბაქაძის ხელმძღვანელობით.

მოსწავლეები გაეცნენ ბიბლიოთეკის ისტორიას, სარგებლობის წესებს და დათვალიერეს ბიბლიოთეკის სივრცე. ბიბლიოთეკის ხელმძღვანელმა მანანა ადაჯანოვმა პატარებს იაკობ გოგებაშვილზე მომზადებული პრეზენტაციაც წარმოუდგინა და მწერლის შესახებ ესაუბრა.

განცხადება

2016 წლის 11 დეკემბერს, 12 საათზე, ქ. ხაშურის მუნიციპალიტეტის სოფ. ოსიაურში მდებარე შპს „ელისი 2015“-ის კუთვნილი ასფალტის ქარხნის ადმინისტრაციულ შენობაში გაიმართება ასფალტის ქარხნის ექსპლუატაციის გუშ ანგარიშის საჯარო განხილვა.

საზოგადოების წარმომადგენლებს საქმიანობასთან დაკავშირებული დოკუმენტაციის გაცნობის საშუალება ექნებათ შემდეგ მისამართზე: ქ. ხაშური, სოფ. ოსიაური, შპს „ელისი 2015“-ის კომპანიის ოფისში, ტელ: 5 99 70 80 55

ქ. გორი, გორკის ქ. №159, შპს „შ როუა“-ის ოფისში, ტელ. 5 99 70 80 55
საზოგადოების წარმომადგენლების მოსაზრებების წარდგენის ბოლო ვადაა საქმიანობის შესახებ ინფორმაციის გამოქვეყნებიდან 45 დღე.
საკონტაქტო პირი - დავით მაყაშვილი, ტელ. 5 99 70 80 55

D ადმინისტრაცია

ხაშურის მოამბის რედაქციის თანამშრომლები თანაუგრძობენ მურად მთვარელიძეს დის ნანი მთვარელიძის გარდაცვალების გამო

ქმები გიორგი, ანზორი, ომარი, ბიძაშვილები, რაგული, ოლეგი, ვოვა ვალერი ტაბატაძეები, მალხაზ ლონდაძე ოჯახებით იუწყებიან, რომ გარდაიცვალა **ჯემალ (მწო) ნიკოლოზის ძე ტაბატაძე** და სამძიმარს უცხადებენ ინგა, ლაშა და ნელი ტაბატაძეებს მამისა და მეუღლის გარდაცვალების გამო. **D**

ა(ა)პ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. ^შ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე,
მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe 2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტი-
ფიკაციო კოდი 443860984, ბანკის კოდი LBRTGE22, ანგარიში GE80LB0115114434590001.

შ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.